

亥 23

71-442

氏八種

傷寒懸解二



傷寒懸解卷三

昌邑黃元御坤載書

太陽經上篇五十三章

太陽本病

太陽以寒水主令統領六經膀胱者太陽之府太陽者膀胱之經六經之次三陰在裏三陽在表太陽主皮毛之次則陽明次則少陽次則太陰少陰厥陰總以太陽爲主陽盛於外在外之陽謂之衛氣衛者衛外而爲固也衛氣之內則爲營血營者營運而不息也營司於肝爲衛之根衛司於肺爲營之葉營衛二氣化於中宮飲食入胃游溢精氣傳輸經絡精專者行於脈中命曰營氣慄悍者行於脈外命曰衛氣營衛分司於金木而皆統於太陽故太陽經病有傷衛傷營之



不同衛氣爲陽營血爲陰然血升而化神魂是陰含陽也故
肝血溫煖而升散氣降而化精魄是陽含陰也故肺氣清涼
而降斂人之汗孔冬闔而夏開者以肝心主營木火旺於春
夏則營血溫散而竅開肺腎主衛金水旺於秋冬則衛氣清
斂而竅闔寒去溫來而木火不得發泄衛氣斂閉而孔竅常
闔襲之以風氣欲斂而不能斂故傷在衛氣熱退涼生而金
水不得斂藏營血發散而孔竅常開侵之以寒血欲散而不
能散故傷在營血風傷衛者因於氣涼而竅閉也寒傷營者
因於天溫而竅開也春夏而竅開則病寒而不病風秋冬而
竅闔則病風而不病寒故秋冬寒盛而非不中風春夏風多
而亦有傷寒靈樞歲露四時八風之中人也故有寒暑寒則
皮膚急而腠理閉暑則皮膚緩而腠理開因其開也其入深

其病人也卒以暴因其閉也其入淺其病人也徐以遲開則傷營閉則傷衛以營深而衛淺也風性疏泄而寒性閉塞氣性收斂而血性發揚衛斂而竅閉中風則氣欲斂而風泄之是以有汗風愈泄而氣愈欲斂故內遏營血而生裏熱營泄而竅開傷寒則血欲泄而寒束之是以無汗寒愈束而血愈欲泄故外閉衛氣而生表寒人之本氣不鬱則不盛鬱則陽虛之人藏陰內盛而爲寒陰虛之人經陽外盛而爲熱是傳府傳藏之由來也而其入府入藏必先施於皮毛故六經之病總起於太陽一經以其在外而先傷也邪在營衛失於解散則或入於府或入於藏視其人之裏氣爲分途陽衰則入太陰而爲寒陰衰則入陽明而爲熱無異路也貴於營衛方病初治不差則後日諸變無自生矣 衛行脈外而內交於

營營行脈中而外交於衛營衛調和是調平人寒邪傷營則
營血束閉其衛氣故衛鬱而生表寒風邪傷衛則衛氣遏閉
其營血故營鬱而生裏熱營衛外發則病解營衛內陷則病
進陷而敗沒則死也傷寒中風之死證皆營衛之陷敗也衛
氣之外發賴乎經中之陽盛營血之外發賴乎藏中之陰盛
陽統於陽明陰統於太陰陽明之經氣旺則衛氣外發而汗
出其陽虛者衛鬱欲發而不能則振慄戰搖而後汗出其再
虛者寒戰而不見汗出是陽不勝陰衛氣將陷當泄陰而扶
陽開皮毛而發衛氣太陰之經氣旺則營氣外發而汗出其
陰虛者營鬱欲發而不能則煩躁拂鬱而後汗出其更虛者
躁悶而不見汗出是陰不勝陽營氣將陷當泄陽以扶陰開
肌表而發營血陽盛於府陰盛於藏衛氣之陷者以其藏陰

盛而內寒也營血之陷者以其府陽盛而內熱也太陽爲六經之長兼統營衛方其營衛初病外解經絡內調藏府使藏寒不動府熱不生異日無入藏入府之患是善治太陽者也太陽經病不過風寒二者而已風用桂枝寒用麻黃風而寒寒寒而兼風則有桂麻各半之方風而火鬱寒而水停則有大小青龍之制風寒已解而內躁則有白虎清金之法風寒未透而內濕則有五苓利水之劑風寒外散血熱裏鬱則有桃核承氣抵當湯圓之設此皆太陽風寒之本病處治之定法也人之本氣不偏陽鬱不至極熱陰鬱不至極寒本氣稍偏病則陰盛而爲寒陽盛而爲熱而以溫涼補泄挽其氣化之偏皆可隨藥而愈不經誤治斷不至遂成壞病熟悉仲景太陽本病諸法則風寒之證解於太陽一經無復壞事已

太陽經提綱太陽一

太陽爲六經之綱領其經行身之背其氣主一身之皮毛故病則脈浮頭項強痛而惡寒緣邪在本經但病其經脈所行之部分而不及於他經也在經失解自此而內傳二陽裏入三陰府熱作則脈浮大藏寒作則脈沉細寒熱鬱發諸病叢生太陽之脈證然後憂耳若其初感府熱未作藏寒未動之時太陽之病情未改證狀猶存則祇有脈浮頭疼項強惡寒而已卽令病於別經別經病見而太陽未罷亦必見太陽之脈證也據太陽之脈證而分太陽之風寒何至淆亂於外經亡羊於岐路也仲景提太陽之綱祇此一語而太陽之情狀了了所謂握片言而居要也

太陽之爲病脈浮頭項強痛而惡寒

太陽在表故脈浮其經行身之背起於睛明

在目內眦足太陽經之穴名

自頭下行而走足病則經氣上鬱壅塞不降故強痛也風寒閉其營衛氣鬱不能透泄則外見惡寒寒者太陽之金氣也

風寒總綱 太陽二

病有發熱惡寒者發於陽也無熱惡寒者發於陰也發於陽者七日愈發於陰者六日愈以陽數七陰數六也

此中風傷寒之總綱也衛氣爲陽風傷衛氣是發於陽也衛傷則遏閉營血而生內熱營血爲陰寒傷營血是發於陰也營傷則束閉衛氣而生外寒故中風之初先見發熱傷寒之初先見惡寒中風內熱而營血不宜亦外見惡寒傷寒外寒而衛氣不達乃續見發熱中風非無外寒究竟內熱多而外寒少傷寒非無內熱究竟內熱少而外寒多營司於肝木木



升則火化木火同情故肝血常溫衛司於肺金金降則水生
金水同性故肺氣常涼肝藏營血而脾爲生血之本中風營
病藏陰衰者多傳陽明而爲熱肺藏衛氣而胃乃化氣之源
傷寒衛病府陽弱者多傳太陰而爲寒風傷衛者營鬱裏熱
若經中陰旺則營氣不至內蒸故七日經盡而自愈寒傷營
者衛鬱表寒若經中陽旺則衛氣不至內陷故六日經盡而
自愈此風寒之順證在經而不入於藏府者也若中風陽盛
而入於府傷寒陰盛而入於藏則營衛方憂其內陷非補泄
以救其偏不能應期而愈也六日七日水火之成數大衍之
數天一生水地六成之地二生火天七成之火陽也故數七
水陰也故數六滿其成數是以病愈也

病人身大熱反欲得近衣者熱在皮膚寒在骨髓也身大寒反不欲近衣者寒在皮膚熱在骨髓也

申明上章惡寒之義陰盛則內寒外熱內寒故欲近衣陽盛則內熱外寒內熱故不欲近衣以其欲不欲而內外之寒熱

見焉經所謂臨病人問所便也

素問上章發熱惡寒無熱惡

寒者言其外也風傷衛者多內熱寒傷營者多外寒恐人畧

內而詳外故發此章

太陽中風十五章

風者天地發生之氣也皮毛未開風氣外客傷其衛陽則竅開而衛泄衛性降斂衛欲閉而風泄之欲閉不得則內乘陰位而遏營血是以病也

日風泄者風閉其衛營鬱而外泄也

太陽中風一太陽四

太陽病發熱汗出惡風脈緩者名爲中風

太陽之經有營衛之分營行脈中衛行脈外風寒客之各有
所傷風則傷衛寒則傷營衛傷則閉其營血故發熱營傷則
閉其衛氣故惡寒營爲寒閉則無汗衛爲風鼓則有汗以衛
氣初閉營鬱猶得外泄也汗出衛泄是以表虛而惡風寒性
凝澁傷寒則皮毛閉塞故脈緊風性動盪傷風則經氣發泄
故脈緩

太陽中風桂枝湯證

肺通衛氣風傷於衛行其疏泄之令衛氣不斂是以有汗衛
愈泄而愈閉閉而不開則營鬱而發熱桂枝湯所以通經絡
而泄營鬱也

太陽中風桂枝一太陽云

大陽病頭疼發熱汗出惡風者桂枝湯主之

風爲陽邪衛爲陽氣風邪中人則陽分受之故傷衛氣衛氣主肺氣其性收斂風鼓衛氣失其收斂之職是以汗出風愈泄而衛愈斂則內遏營血鬱蒸而爲熱是衛氣被傷而營血受病也故傷在衛氣而治在營血桂枝湯甘草大棗補脾精以滋肝血生薑調藏府而宣經絡芍藥清營中之熱桂枝達營中之鬱也汗者營衛之所蒸泄孔竅一開而營鬱外達則中風愈矣

桂枝湯一

桂枝

三兩

芍藥

三兩

甘草

二兩

大棗

十二枚

生薑

三兩

右五味㕮咀以水七升微火煮取二升去滓適寒溫服一升
服已須臾歠稀粥一升餘以助藥力溫覆令一時許通身熱

熱微有汗出益佳不可令如水流漓病必不除若一服汗出
病差停後服不必盡劑若不汗更服依前法又不汗後服少
促其間半日許令三服盡若病重者一日一夜服周時觀之
服一劑盡病證猶在者更作服若汗不出者可服之二三劑
禁生冷粘滑肉麪五辛酒酪臭惡等物

銖兩升斗考

漢書律厯志量者龠合升斗斛也本起於黃鐘之龠用度數
審其容以子穀秬黍中者千有二百實其龠以井水準其概
合龠爲合十合爲升十升爲斗十斗爲斛而五量嘉矣權者
銖兩斤鈞石也一龠容千二百黍重十二銖兩之爲兩二十
四銖爲兩十六兩爲斤三十斤爲鈞四鈞爲石而五權謹矣
一千二百黍爲一龠重今之一錢七分合龠爲合今之三錢



四分也十合爲升今之三兩四錢也一龠重十二銖今之
錢七分也兩之爲兩今之三錢四分也

桂枝證二 太陽六

太陽中風陽浮而陰弱陽浮者熱自發陰弱者汗自出
寒淅淅惡風翕翕發熱鼻鳴乾嘔者桂枝湯主之

寸爲陽尺爲陰營候於尺衛候於寸風泄衛氣故寸脈浮邪
不及營故尺脈弱風愈泄而氣愈閉故營鬱而發熱氣愈閉
而風愈泄故營疏而汗出嗇嗇者淅淅者皮毛振慄之意翕
翕盛也猶言陣陣不止也肺主皮毛開竅於鼻皮毛被感肺
氣壅遏旁無透竅故上循鼻孔而鼻竅窄狹泄之不及故衝
激作響而爲鼻鳴衛氣閉塞鬱其胃氣濁陰不降故生乾嘔
桂枝泄其營鬱則諸證愈矣



桂枝證三 太陽七

太陽病發熱汗出者此爲營弱衛強故使汗出欲救邪風者桂枝湯主之

營弱衛強卽上章陽浮陰弱之義衛閉而遏營血也邪風者經所謂虛邪賊風也風隨八節而居八方自本方來者謂之正風不傷人也自衝後來者謂之賊風傷人者也如夏至風自南方是正風也若來自北方是衝後也義詳靈樞九宮八風篇

桂枝證四 太陽八

病人藏無他病時發熱自汗出而不愈者此爲衛氣不和也先於其時發汗則愈桂枝湯主之

陽明府病汗愈出而胃愈燥故發熱汗出而病不愈病藏

氣平和無他胃熱之證時發熱自汗出而不愈者此爲衛氣
得風鬱勃而不和也當先於其時以桂枝發汗則愈遲
生他病也

桂枝證五 太陽九

病常自汗出者此爲營氣和營氣和者外不諧以衛氣不共營
氣和諧故耳以營行脈中衛行脈外復發其汗營衛和則愈宜
桂枝湯

病常自汗出者營氣疏泄此爲營氣之和然營氣自和者必
外與衛氣不相調諧以衛被風斂內遏營血不與營氣和諧
故耳以營行脈中衛行脈外衛鬱而欲內斂營鬱而欲外泄
究之衛未全斂而營未透泄是以有汗而風邪不解復發其
汗使衛氣不閉營氣外達二氣調和則病自愈宜桂枝湯也



衛閉而營鬱則營不和衛未全開而營得汗 此爲營氣猶和然此之和者衛被風斂而未全閉也閉則營氣不和矣以衛常欲斂不與營氣和諧終有全閉之時汗之令營鬱透發則二氣調和也

桂枝證六太陽十

太陽病服桂枝湯煩不解者先刺風池風府却與桂枝湯則愈風池足少陽穴風府督脈穴在項後大推之上督與太陽同行於背而足少陽經亦行項後兩穴常開感傷最易感則傳之於太陽太陽中風之病皆受自兩穴服桂枝湯風應解矣及煩不解者風池風府必有內閉之風不能散也先刺以泄兩穴之風再服桂枝無不愈矣

桂枝證七太陽十